

# INUIT ATAQATIGIIT INATSISARTUNI



UPA2023/67  
11. maj 2023  
Adam Kristensen

**Innuttaasut, suliaqartut/immikkut, namminersorlutik inuutissarsiortut, kommunit Inatsisartullu partiit imingassamik akiuniarnermi ataatsimut periusissiuliornermi akuliunneqarlutik, ukiunut arlalinnut atuuttussamik ilisimatuussutsikkut uppernarsakkamik toqqammaveqartumik imingassamut politikkissamut toqqammavissamut suakkiummik Naalakkersuisut peqquneqarnissaannut inatsisartut aalajagiiffigisassaattut siunnersuut. Periusissiaq atuutilersitsinermi aningaasatigut allaffissornermilu kiguneqaatissanut naatsorsukkanik imaqassaaq, UPA2025-milu agguanneqassalluni.**

(Inatsisartunut Ilaasortaq Agathe Fontain, Inuit Ataqatigiit)

## **Oqaaseqaat:**

Siunnersuuteqartup imingassamik atuinitta annikillisarnissaa siunertaralugu periusissialiortoqarnissaanik siunnersuuteqarnera matumuuna Inuit Ataqatigiinnit pisariaqartutut isingalugu tapersorsorparput. Imingassap inuuniarnikkut peqqinnissakkut pinerlunnikkut inuussutissarsiunngitsoornikkullu aningaasarpassuarnik naleqartarnera isiginngitsuusaaginnarsinnaannginatsigu.

Imingassap atornerlungaanera utoqqarnut inersimasumut inuusuttumut meeqqamut allaammi naap iluaniittunut atungarliortitsisarpoq, taamaammat qiningaaffik akimorlugu piffissamut ungasinnerusumut atuuttussamik periusissiamik susassaartut tamarmik peqataatinnerisigut ilusilersorneqartumik periusissiaqarlernissaa pilersinneqassappat tamanna suleriaqqinnissamut oqilisaataasinnaanissaa takorloorsinnaavarput.

Pinaveersaartitsineq aqquaaavoq, pinaveersaartitsinermit suliaqartut ilaatigulli nammineq piunassutsiminnik suliaqartut pisinnaasaasa qaffassarneqartarnissaannut pisortat arlaatigut tapersersuisarnissaat kiisalu imingassaq pillugu immikkut ilisimasallit ilisimasaasa inuiaqatigiinnut siammarneqarsinnaanerat periarfissikkaanni, imingassamut akiuniarnermi suliniarnermit iluaqutaasinnaanissaa neriuutingaarput.

Siunnersuuteqatup aguniangaa nunarput tamakkerlugu imingassaq pillugu ataatsimoorussamik qiningaaffiit arlalinnut atuuttussamik periusissiamik amingaateqartugut tamannalu Inuit Ataqatigiinit isumaqatigivarput

# INUIT ATAQATIGIIT INATSIARTUNI



imingassamik ajornartorsiuteqarneq qinikkat kisimik aqqinnaviangilaat  
inuiaqatigiinniuna susassaqtut peqataatinnerisigut ajornartorsiut  
millisartariaqartoq.

Taamatut oqaaseqarluta siunnersuut Ilaqutariinnermut Peqqissutsimullu  
ataatsimiititaliamut ingerlateqqipparput.